

東醫寶鑑雜病篇卷之七上

東醫忠勤貞亮扈聖功臣崇祿大夫陽平君許奉教撰

痧瘧

瘧病之源

內經曰夏傷於暑秋爲瘧瘧○夏暑汗不出

者秋成風瘧○秋善病風瘧○又曰魏江未盡形弱而氣燄穴腠以閉發爲風瘧○風成爲寒熱又曰因於露風乃生寒熱○風氣盛於皮膚之內內不得通外不得泄腠理閉則洒然寒閉則熱而悶各曰寒熱○夏傷於暑秋必病瘧蓋傷之淺者近而暴傷之重者遠而深瘧瘧者久瘧也是知夏傷於暑濕熱閉藏而不能發泄以外邪氣兩行至秋而發爲瘧也○瘧之爲病以暑舍于榮衛之間得秋之風寒所傷而後發亦有非暑

因風寒感冒而得之者在于陽則發熱在于陰則發寒并則病作離則病止作止故有時在氣則發早在血則發晏淺則口作深則問日或在頭項或在背脊或在腰脊雖上下遠近之不同在太陽則一也

瘧疾形證

瘧之始發也先起於毫毛伸欠乃作寒懷鼓

欲飲冷納○夫陰陽上下交爭虛實更作陰陽相移也陽并於陰則陰實而陽虛陽明虛則寒陰被領巨陽虛則腰背頭項痛三陽俱虛則陰氣勝陰氣勝則骨寒而痛寒生於內故中外皆寒陽盛則外熱陰虛則內熱內外皆熱則喘而渴故欲冷飲也納○夫瘧之始發也陽氣并於陰當是之時陽

虛而陰盛外無氣故先寒慄也陰氣逆極則復出
之陽陽與陰復并於外則陰虛而陽實故先熱而
渴夫虐氣者并於陽則陽勝并於陰則陰勝陰勝
則寒陽勝則熱絛○衛虛則先寒榮虛則先熱表
邪多則寒多裏邪多則熱多表裏相半寒熱相等
衄○人之榮衛晝行於陽陽側夜行於陰陰側榮
衛行到病所不通乃作寒戰鼓振頭領中外皆寒
腰痛俱痛此邪氣入於內也寒戰俱已內外皆熱
頭痛如破渴欲飲冷煩滿欲吐自汗此邪氣發於
外也絛○暑瘧單熱濕瘧多寒寒瘧先寒後熱風
瘧先熱後寒餘皆先寒後熱門

脉法

瘧脉自弦弦數多熱弦遲多寒弦小緊者宜下之
弦遲者可溫之弦緊者可發汗浮大者可吐之言
數者風發也以飲食消息止之腰○瘧脉自弦微
則爲虛代散則死絛○瘧脉自弦弦遲多寒弦數

多熱隨時變遷。○瘧脈多弦但熱則弦而帶數。寒則弦而帶遲。亦有病人而脈極虛微而無力。似手不弦然而必於虛數之中見弦。但不搏手耳。細察可也。○弦短者傷食。弦滑者多痰。虛微無力。爲从瘧。○瘧脈遲緩者病自愈。○瘧脈

寒熱先後

瘧先寒而後熱者。由夏傷於大暑。其汗大出。腠理開。發因遇夏氣淒涼。之水寒藏於腠理。

皮膚之中。秋傷於風。則病成矣。夫寒者陰氣也。風者陽氣也。先傷於寒而後傷於風。故先寒而後熱也。病以時作。名曰寒瘧。○先熱而後寒者。由先傷於風而後傷於寒。故先熱而後寒者。以時作。名曰溫瘧。○其但熱而不寒者。陰氣先絕。陽氣獨發。則少氣煩冤。手足熱而欲嘔。名曰瘴瘧。瘴謂熱也。○

經也

寒熱往來

病有洒淅惡寒而復發熱者何也曰陰脉不足陽往從之陽脉不足陰往乘之何謂陽不

足假令寸脉微名曰陽不足陰氣上入陽中則洒淅惡寒何謂陰不足假令尺脉弱名曰陰不足陽氣下陷入陰中則發熱也○陽微則惡寒陰微則發熱大抵陰不足陽往從之故內陷而發熱陽不足陰往乘之故陰氣上入陽中則惡寒○陽不足則陰邪出表而與陽爭乃陰勝而爲寒也陰不足則陽邪入裏而與陰爭乃陽勝而爲熱也若邪入而正氣不與之爭則但熱而無寒矣陽不足則先寒陰不足則先熱表邪多則寒多裏邪多則熱多牛表牛裏則寒熱相等乍往乍來而問作也○瘧者少陽也少陽者東方之氣也逆行則發寒順行則發熱故分之氣異往來之不定也○身後爲太陽太陽者膀胱水寒也身前爲陽明陽明者大腸金燥也少陽之邪在其中近後膀胱水

則惡寒近前陽明燥則發熱故爲往來寒熱也
○甚者內外失守眞邪不分陰陽迭勝寒熱互起

則休作無
定時矣

瘧發日數多少

夏傷於暑熱氣盛藏於皮膚之內腸胃

皮膚之內與衛氣并居衛氣者晝日行於陽夜行
於陰此氣得陽而外出得陰而內薄內外相薄是
以日作○衞氣與邪相并則病作與邪相離則
病休其并於陰則寒并於陽則熱離於陰則寒也
離於陽則熱已至次日又集而并合則復病也
○其間日發者由邪氣內薄於五臟橫連募原也
其道遠其行遲不能與衛氣俱行不得皆出故間
日乃作也○時有間二日或至數日發或渴或不
渴其作何也曰其間者邪氣與衛氣客於六腑
而有時相失不能相得故休數日乃作也瘧者陰

陽更勝也或甚或不甚故或渴或不渴○三日
一發者受病一年間日一發者受病半年連日發
者受病一月二日連發住一日者氣血俱受病也
又曰三日一發陰經受病也最重○陽爲腑邪
淺與榮衛並行一日一發○陰爲臟邪深橫連募
原不能與正氣並行故間日蓄積乃發或三四日
一發久則必
爲瘧母

瘧發有晝夜早晏之異

帝曰其作日晏與日早者何氣

使然岐伯曰邪氣客於風府循
脊而下衛氣一日一夜大會於風府其明日日下
一節故其作也晏此先客於脊背也每至於風府
則腠理開腠理開則邪氣入邪氣入則病作以此
作日稍益晏也其出於風府日下一節二十五日
下至骶骨二十六日入於脊內注於伏膂之脉其
氣上行九日出於缺盆之申其氣日高故作日益

早也綱○陽爲晝發邪淺榮衛晝行背與脊故也
○陰爲夜發邪深榮衛夜行胸與腹故也○陽爲
子時至巳陰爲午時至亥如發寅卯而退於未申
或發於未申而退於子丑皆謂之陰陽今分須用
藥趨早或移時分定陰陽然後陽瘧截住陰瘧升
散臥○從卯至午發者邪在外也從午至酉發者
邪在內也從酉至子發或至
寅發者知邪在血分也綱

六經瘧

夏傷於暑秋必病瘧初不知何經受病隨其受
而取之有中三陽者有中三陰者大抵經中邪

氣其證各殊在太陽經者謂之寒瘧治多汗之在
陽明經者謂之熱瘧治多下之在少陽經者謂之
風瘧治多和之此三陽受命皆爲暴瘧發在夏至
後處暑前此乃傷之淺者近而暴也○在陰經者
則不分三陰皆謂之溫瘧其發在處暑後冬至前
此乃傷之重者遠而深也瘵瘧者老瘧也故謂之

从瘧解○傷寒餘熱未淨重示寒而變瘧各曰

溫瘧亦曰風瘧此為傷寒壞病六證先熱後寒臥

○瘧屬三陽宜汗宜吐瘧屬三陰宜汗宜和宜溫

軀○太陽瘧宜桂枝羌活湯麻黃羌活湯○陽明

瘧宜人參白虎湯柴胡芍藥湯仁助醒○少陽瘧宜柴

胡桂枝湯柴胡加桂湯○三陰溫瘧宜白虎桂枝

湯麻黃白朮湯或小柴胡合四物湯各曰柴胡四

物湯○太陽陽明合病桂枝芍藥湯桂枝石膏湯

三陽合病宜桂枝

黃芩湯以和之解

桂枝羌活湯

治太陽瘧自汗頭項痛腰脊強桂枝羌

活防風甘草各一錢半右剉作一貼水

煎服

麻黃羌活湯

治太陽瘧無汗即前方法桂枝

加麻黃也劑去服法同上解

柴胡桂枝湯

治少陽瘧寒熱乍往乍來柴胡二錢桂枝黃芩人參芍藥半夏各一錢甘草五

分右剉一貼入薑

三棗二水煎服

柴胡加桂湯

治少陽瘧往來寒熱極驗柴胡三錢黃芩桂枝各二錢半夏一錢甘草四分右

剉作一貼入薑三

棗二水煎服

白虎桂枝湯

溫瘧者其脉如平身無寒但熱骨節煩疼時便難胡發暮解暮發朝解此藥主

之石膏四錢知母二錢桂枝甘草各一錢梗米一

合右剉作一貼水煎服

麻黃白朮湯

治風瘧麻黃桂枝皮青皮陳皮川芎白芷半夏翅紫蘓葉赤茯苓白朮桔梗細辛

檳榔甘草各七分右剉作一

貼入薑三棗二水煎服

柴胡四物湯

治三陰經溫瘧或夜發者柴胡生乾地黃各二錢人參半夏黃芩甘草川芎當

歸赤芍藥各一錢右剉作

一貼入薑三棗二水煎服

桂枝芍藥湯

治瘧寒熱大作此太陽陽明合病也謂

泄經曰汗出不愈知爲熱也不治則恐久而傳人

陰經宜用此桂枝一錢赤芍藥知母石膏黃芩各

二錢右剉作一

貼水煎服

桂枝石膏湯

治太陽陽明合病間曰瘧熱多寒少石

膏知母各三錢黃芩二錢桂枝一錢右

剉作一貼水

煎服之

桂枝黃芩湯

服桂枝芍藥湯後寒熱轉甚者知太陽

錢石膏知母各一錢半黃芩人參半夏甘草各一錢二分桂枝一錢右剉作一貼水煎服錄

瘧晝發夜發宜分治益氣湯發宜六君子湯瘧見桃仁承氣

夜發宜柴胡四物湯瘧見桃仁承氣湯瘧麻寅黃芩湯柴胡芩歸湯

麻黃黃芩湯治夜發瘧麻黃三錢黃芩二錢甘草一錢半桂心一錢桃仁十五枚右剉作一

貼水煎服○桃仁味苦甘辛肝者血之海血受邪則肝氣燥經所謂肝苦急急食甘以緩之桃仁散血緩肝謂邪氣深遠而入血故夜發乃陰經有邪此麻黃黃芩湯乃發散血中風寒之劑也

柴胡芩歸湯治夜發陰瘧引出陽分而散後服人參截瘧飲止之柴胡乾葛川芎各一錢桔

梗當歸赤芍藥人參厚朴白朮茯苓陳皮各七分紅花甘草各三分右剉作一貼入薑三棗二梅一

水煎服

諸瘧證治

瘧者風瘧寒瘧熱瘧濕瘧痰瘧食瘧
勞瘧鬼瘧疫瘧瘴瘧痲瘧老瘧諸瘧

風瘧

自感風而得先熱後寒宜麻黃白朮湯
無汗則宜散邪湯有汗則宜正氣湯

寒瘧

自感寒而得寒多熱少宜人參養胃湯
飲果附湯草果飲柴胡桂薑湯一名牝瘧

熱瘧

因暑勝熱多得之一名痺瘧亦曰暑瘧
虎湯柴苓湯勦柴胡知母湯爭功散及龍虎湯

臥

濕瘧

因冒襲雨濕汗出澡浴得之寒熱相半小便
不利宜五苓散勦門加蒼朮川穹羌活

痰瘧

因外感內傷鬱聚成痰頭痛肉跳吐食嘔沫甚則
昏迷卒倒宜柴陳湯加草菓或四獸飲冷附湯久

不止以露薑飲截之。○有人忽得瘧疾嘔吐異
常以二陳湯効。覲加人參縮砂倍用白豆蔻進一
二貼。自然寒熱不作。蓋白豆蔻能消能
磨。流行三焦榮衛一轉。寒熱自平也。○

食瘧

一名胃瘧。因飲食失節。飢飽有傷。所致。寒已復熱。
熱已復寒。七熱交併。若飢而不能食。食則吐痰。經
曰。寒熱善飢而不能食。食已肢滿腹脹。病以日作。
名曰胃瘧。是也。宜平陳湯加枳實白朮山梔子神

麴青皮或清脾飲。小清脾湯。又二陳
湯加青皮檳榔縮砂白豆蔻亦佳。○

勞瘧

即久瘧也。寒熱微上。寒中有熱。○中有寒最難調。
治由表裏俱虛。真元未復。疾雖暫止。小榮復來。經
年不差。宜芎歸鱉甲散。常山飲五勞元六和湯。烏
頭七棗湯。露薑養胃湯。十將軍丸。一補一發。丹辰
砂元養胃丹。○久瘧屬元氣虛寒。蓋氣虛則寒。
血虛則熱。胃虛則惡寒。脾虛則發熱。陰火下流。則

寒熱交作或吐涎不食或泄瀉腸痛手足逆冷寒戰如慄皆脾胃虛弱也但服補中益氣湯防飢餓諸

證悉愈苦投清脾截瘧多致不起

鬼瘧

因感尸疰客忤寒熱日作夢寐不祥多生恐怖宜辟邪丹雄朱丹或燒人場土作丸塞男左女右鼻

中

疫瘧

一方長幼相似或染時行變成寒熱須察運氣用藥宜不換金正氣散黠靨如意丹五瘟丹瘴疸丸

瘟三方見疫

瘴瘧

挾山溪嵐瘴蒸毒之氣令人迷困發狂或啞乍寒乍熱乍有乍無南方多病此宜雙解飲子地龍飲

羌活蒼朮湯瘴疽丸勸觀音丸

瘧瘧

者老瘧也以其隔三日一發纏綿不去也○三

日一作邪入於三陰經也作於子午卯酉日者少陰經瘧也作於寅申巳亥日者厥陰經瘧也作於辰戌丑未日者太陰經瘧也瘧得於暑當以汗解夫感冒與風皆外邪也故非汗多不解必先與參朮等補劑爲君加柴葛等發散藥漸而收汗得汗而虛又行補養下散屬陰最難得汗補藥力到汗出至足方是桂枝湯○老瘧係風暑之邪入在陰分宜用血藥引出陽分而散古方多用峻劑恐非所宜○若感病極深雖得大汗所感之邪必自臟傳出至腑其發無時必亂而失期若發於午之後寅之前者血受病也爲難愈須漸隨早亦是佳兆故治此病春夏爲易秋冬爲難非有他也○以汗之難易爲優劣也○凡瘧經年不差謂之老瘧必有痰水瘀血結成痞塊藏於腹脇作脹且痛乃瘧母也雖內虛非常山檳榔決不能除但須製